

20. GROS GRONGNON

Alors un fois ti ennan un z'homme qui ti appelle Gros Grongnon, ecque son bonne femme Gros Tantine. Gros Grongnon tia appelle sa nom, a cause y ti trop content grongne avec son femme Gros Tantine. Juste li qui pas paresse, juste li qui ti capable faire tout queque chose dans la cour, li y plus parfait qui tout dimondes, Sa l'heure la pas besoin dire ou Gros Tantine y mange largose enmer avec li, travaille qui moi mon faire dans un jour, ou ou mette 3 jours pour faire. Jamais y ti content qui maniere Gros Tantine ti travaille.

Be un jour soir Gros Tantine y dire avec Gros Grongnon "Mon assez gagne maltrete avec ou, demain bien bon matin mon pour quitte ou mon pour alle embas un roche pour moi alle repose mon la tete pour des trois jours, debrouille ou ecque marmailles ici dans la cour. Ah! Be! Lendemain bon matin l'heure Gros Grongnon y lever na pas Gos Tantine, Gros Grongnon y deboute lo un roche dehors cote un pied mangetous. Y crille "Mon femme oh! Mon femme oh! "y pas tanne reponde, y commence rode partout cote boeuf, cote paulaille na pas, qui y pour faire apres z'ent, y mazine parole son bonne femme Gros Tantine y dire "Aille, aille, aille Gros Tantine y alle embas roche. Y dire avec un son bande marmaille qui ti appelle (Trouclaire) alle rode ou maman embas roche par la. Pauvre Trouclaire y commence guelle y dire: "Papa cote maman y ete." Zotte papa y dire mon pas conne alle rode li embas un roche par la cote ou conne. Pauvre Trouclaire y alle, y alle, y alle meme, a force marche y joindre son mamam pe assise en bas un roche. Son maman y dire avec Trouclaire "Alle dire ou papa ou pas fine voir moi, mais dire avec ou bande freres emmene un peu mange pour moi 11 heures." En arrivant cote li Gros Grongnon y dire "oune voir ou mamam." Trouclaire y repondre y dire "Non papa." Gros Grongnon y fou. Lere y mange y pare 11 heures Trouclaire y dire ecque son bande frere, maman y la bas enbas roche, ennous alle emmene un pe mange pour li, seulement pas dire narien papa."

Deux trois jour qui marmailles y faire ca, Gros Grongnon y dire a cause marmaille y faire sa la route la bas, mon oule rende moi un conte. Gros Grognon

y tate derriere marmaille. L'heure marmaille y arrive cote zotte maman, zotte papa aussi y arrive. Gros Grongnon y dire avec son bonne femme Gros Tantine: "Ah, mon soeur mon demande ou pardon, milles et milles pardon, mon pas pour faire ou encore aucun misere ennous troune dans la court." Gros Tantine y dire li: "Assez emerde moi donne moi la paix." Gros Grongnon y commence caresse Gros Tantine, emielle emielle li y dire "Ah mon p'tit les coeur doux ennous troune," Tout d'meme Gros Tantine ine d'accord pour troune, seulement avec promesse qui ou pas pour faire moi aucun misere encore, la zotte ti reste en paix pour jusqu'a un mois. Un jour Gros Grongnon y continue dispute avec Gros Tantine, sa voyage Gros Tantine tine calculler. Y dire avec Gros Grongnon. "Mon mari ecoute, monne fatigue tende ou dispute tout la journee, be demain bon matin nous a faire un l'arrangement ou d'accord." Gros Grongnon y dire "faire maniere ou content."

Alors Gros Tantine y commence lire l'article avec li y dire li comme sa: "Ou, ou va reste cote la cour, mais mon mon pour alle dans bois travaille dans ou place. Mes magine bien sa qui mon pour dire ou faire. Ecoute: Premier tire di lait avec sa boeuf noir et blanc qui appelle Charline, donne mange cochons, poules, canards, dindes, joies, pintardes etc. Mais pas oublier veille sa p'tit poule noir qui ponne, suivre li partout pour nous conne cote y ponne pour moi mette li partout pour nous conne cote y ponde pour moi mette li couve avec disoeuf dindes, apres bouir du lait, donne marmaille duthe bien bonne l'heure pour zotte alle lecole, et mon pas oule qui zotte arrive l'ecole tard. Baigne Froufrouille donne li boire. Apres midi faire li dormi dans panier embas lilit y ennan linge sale alle lave la riviere, l'etant ou linge pe chaufee raccomode sa bande l'autre linge qui dans p'tit panier. Cuir mange bien bonne l'heure pour marmaille gagne onze heure, l'heure zotte troune l'ecole, trois heures faire dithe pour nous, pas oublie brosse la case, passe manglie avant. Apres y ennan 25 sous embas tasse lo la table prend alle rode poisson bord la mer. L'heure ou tourne mette toujours dinne lo di feu. L'heure Gros Grongnon ine fini ecoute tout sa la liste travaille, y soupire et y dire dans li meme, hein, hein, y ennan la dans, qui mon n'alle rode. Gros Tantine y prend son grand

couteau y alle sans guette derriere li. Gros Grongnon y guette li cotte y alle juste lere y perdu. Gros Grongnon y'prend seau pour alle tire di lait, l'heure boeuf y voir Gros Grongnon vini ecque seau, y commence crie (Mourrr Morrrr) sa veut dire sa mauvais z'homme pe vini, Sa boeuf y commence tourne li dans son la chaine gauche droit, y baisse pour emmare la pate boeuf, boeuf y laisse li l'heure y commence tire du lait, boeuf y tape li un coup pied lo son la bouche y graine tout son le dent divant nette. Y tombe embas muraille, l'heure y leve son la bouche tine en sang. A present cochons pe crie dans la corde, poules pe envole partout dans poullaille. Marmailles pe crie, "papa donne nous, nous gadiac pour nous alle l'ecole." Froufouille pe crie la sassin dans son bere, pour li gagne son boire, un seul moment pas besoin dire ou. Gros Grognon pe fou. Y pas conne qui y pour faire, 11 l'heure y sonne marmaille pas encore alle lecole. Mange pencore mette lo di feu.

L'heure Gros Tantine y arrive aucun l'ouvrage pas encore faire, qui Gros Grongnon pour faire, y zette li dans les bras Gros Tantine son bonne femme y dire "Seulement mon femme ou ti ennan raison. Ou qui faire travaille dans un jour, sa qui mon mon faire dans trois jour mais ou ou faire plus ou faire travaille qui moi mon faire dans un semaine."

Depuis sa jour Gros Grongnon y faire serment dispute encore ecque Gros Tantine lo travaille. Au contraire l'heure y sorti dans bois, y alle assise dans son vieux fauteille baton cocos pour repose son vieux le rein comment y dire li meme. Gros Grongnon y encoye son bonne femme Gros Tantine faire l'ouvrage la case et li y faire l'ouvrage dehors. "Ah la mon donne zotte un bon lecon."